

Archwilio Pam

Bara

Un o lyfrau
Alfred a Sion



Archwilio Pam

Bara

Leslie J Francis a Tania ap Siôn
Darluniwyd gan Phillip Vernon



Bear Lands Publishing

Aled a Siân

Mae Aled a Siân wrth eu bodd yn archwilio'r mannau lle maen nhw'n byw a'r mannau y maen nhw'n mynd i ymweld â nhw. Maen nhw'n mwynhau chwarae 'Dw i'n gweld â'm llygad bach i' er mwyn eu helpu i ddod i adnabod y mannau hyn yn well. Yn y gyfres *Archwilio Pam*, mae Aled a Siân yn chwilfrydig ac eisiau gwybod pam fod rhai o'r pethau o'u cwmpas yn bwysig i'w ffrindiau Cristnogol, Iddewig a Mwslimaidd.

Mae'r gyfres yn cymryd arwyddocâd cymdeithasol crefydd o ddifrif, ac mae'n seiliedig ar ymchwil helaeth i sut mae plant yn dysgu amdany'n nhw eu hunain, am bobl eraill, ac am y byd maen nhw'n byw ynddo.

I ategu'r gyfres hon o lyfrau stori, mae amrywiaeth eang o adnoddau ar gyfer plant ac athrawon, y gellir eu llwytho i lawr am ddim, ac maen nhw ar gael ar hwb.wales.gov.uk/Adnoddau a st-marys-centre.org.uk

Mae'r llyfrau stori a'r gweithgareddau wedi'u hanelu at blant 5 - 7 mlwydd oed, ond mae'r adnoddau sy'n bosib eu llwytho i lawr yn gwneud y gyfres yn berthnasol i blant iau a phlant hyn hefyd.

Cyhoeddwyd gan Bear Lands Publishing, Canolfan y Santes Fair, Llys Onnen, Abergwyngregyn, Gwynedd, LL33 0LD, Wales.

Hawlfraint © Tania ap Siôn a Leslie J Francis (testun), Phillip Vernon (darluniau).

Mae Tania ap Siôn, Leslie J Francis, a Phillip Vernon wedi mynnu eu hawl o dan Ddeddf Hawlfraint, Dyluniadau a Phatentau 1988, i gael eu nodi fel awduron y gwaith hwn.

Cyfieithwyd gan Nant Roberts.

Cedwir pob hawl. Ni chaniateir i unrhyw ran o'r cyhoeddiad hwn gael ei atgynhyrchu, na'i gadw mewn cyfundrefn adferadwy, na'i drosglwyddo mewn unrhyw ddull na thrwy unrhyw gyfrwng, electronig, electrostatig, tâp magnetig, mecanyddol, ffotogoptio, recordio, nac fel arall, heb ganiatâd llawn Bear Lands Publishing a deiliaid yr Hawlfraint.

Cyhoeddwyd gyntaf 2016.

Noddir gan Lywodraeth Cymru.

Teitlau'r gyfres *Archwilio Pam* yw:

Bara
Croes
Goleuni
Menora
Fêl
Dŵr
Symbolau Ffydd





Mae Aled a Siân yn chwarae 'Dw i'n gweld â'm llygad bach i'. Heddiw maen nhw'n chwilio am wahanol fathau o fara. Tybed sawl math gwahanol welan nhw, a ble.




Wrth i Aled a Siân ddod i lawr y grisiau i gael brecwast, maen nhw'n arogli tost ffres.




Yno, rhwng y menyn, y marmalêd a'r mêl, maen nhw'n gweld y bara cynnes wedi'i dostio. "Tybed ble gallwn ni edrych nesaf?" gofynnodd Aled.



Wrth i Aled a Siân orffen bwyta eu tost, maen nhw'n gweld Dad yn paratoi eu pecyn bwyd i ginio.




Yno, rhwng y caws, y picl a'r afalau, maen nhw'n gweld rholiau bara. "Tybed ble gallwn ni edrych nesaf?" gofynnodd Siân.



Ar eu ffordd i'r ysgol, mae Aled a Siân yn cerdded heibio siop Evans y pobydd ac maen nhw'n arogl'r bara ffres o'r popty.



Yno, rhwng y rholiau bara, y cacennau a'r pasteiod, maen nhw'n gweld torthau crwn blasus. "Tybed ble gallwn ni edrych nesaf?" gofynnodd Aled.



Mae Aled a Siân yn cerdded ymlaen heibio Café Fleur. Maen nhw'n camu o gwmpas y byrddau ar y palmant.



Yno, rhwng y coffi, y llaeth, a'r croissants, maen nhw'n gweld ffon fara Ffrengig hir. "Tybed ble gallwn ni edrych nesaf?" gofynnodd Siân.



Mae Aled a Siân yn cerdded ymlaen i dŷ eu ffrindiau Peter a Mary fel y gallan nhw fynd i'r ysgol gyda'i gilydd.



Yno, mae mam Peter a Mary'n pobi bara ar gyfer gwasanaeth dydd Sul. "Tybed pam mae bara mor bwysig ar gyfer gwasanaeth dydd Sul?" gofynnodd Aled.



Ar ôl bod yn yr ysgol, mae Peter a Mary yn mynd ag Aled a Siân i'r eglwys fawr yn ymyl eu cartref i edrych o gwmpas.



Yno, ar y lliain gwyn, yn ymyl cwpan a phlât arian, maen nhw'n gweld bara newydd ei grasu. "Tybed pam mae bara mor bwysig ar gyfer gwasanaeth dydd Sul?" gofynnodd Siân.



Mae Peter a Mary'n mynd ag Aled a Siân i'r festri. Yno mae Peter a Mary'n dechrau dweud wrthyn nhw pam mae bara mor bwysig ar gyfer gwasanaeth dydd Sul.



Maen nhw'n estyn eu Beibl, ac yn darllen pennod 6 Efengyl Marc. Yno, maen nhw'n dod o hyd i hanes Iesu'n bwydo 5000 o bobl gyda phum torth fach.



Mae Peter a Mary yn gwahodd Aled a Siân i'r eglwys ar ddydd Sul i weld beth sy'n digwydd i'r bara.



Yn yr eglwys maen nhw'n edrych yn ofalus ar y ffenestr liw fawr. Yno, mae llun o Iesu'n eistedd gyda'i ddisgyblion, ac mae'n dal torth o fara.




Yn ystod y gwasanaeth, mae torth o fara'n cael ei chario o gefn yr eglwys i flaen yr eglwys.



Mae mam Peter a Mary'n cymryd y bara. Mae'n diolch i Dduw, ac yn gosod y bara ar yr allor.



Yn ystod y gwasanaeth, mae mam Peter a Mary'n torri'r bara, ac yn rhannu'r darnau gydag aelodau'r eglwys.



Mae Peter a Mary'n gwahodd Aled a Siân i fynd gyda nhw at yr allor. "Y flwyddyn nesaf," meddai Peter a Mary, "fe fyddwn ninnau'n ddigon hen i ymuno yn y wledd!"



Yna, mae Aled a Siân yn cerdded yn ôl i'w seddau. “Nawr, rydyn ni'n gwybod pam mae bara mor bwysig ar gyfer gwasanaeth dydd Sul!” meddai Aled a Siân gyda'i gilydd.



Mae Aled a Siân yn chwarae ‘Dw i’n gweld â’m llygad bach i’, a heddiw maen nhw’n chwilio am ‘Fara’. Maen nhw’n dod o hyd i fara mewn pob math o leoedd o gwmpas ble maen nhw’n byw. Pan fydd Aled a Siân yn ymweld â’u ffrindiau, Peter a Mary, maen nhw’n dechrau gofyn cwestiwn pwysig – “Tybed pam mae bara mor bwysig ar gyfer gwasanaeth dydd Sul?” Gyda help Peter a Mary, mae Aled a Siân yn dechrau dod o hyd i rai atebion.

